



SLUŽBENE NOVINE

KANTONA SARAJEVO

Godina V - Broj 19

Četvrtak, 14. septembra 2000. godine
S A R A J E V O

Akontacija
preplate
za II polugodište 2000:
KM 60.-

KANTON SARAJEVO

Skupština Kantona Sarajevo

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97 i 14/00), Skupština Kantona Sarajevo, na sjednici održanoj 14. septembra 2000. godine, donijela je

ZAKON

O RADU U KANTONU SARAJEVO

I - OSNOVNE ODREDBE

Član 1.

Ovim zakonom u Kantunu Sarajevo (u daljem tekstu: Kanton), uređuje se:

- zaključivanje ugovora o radu sa pripravnikom na određeno vrijeme;
- način polaganja stručnog ispita nakon završenog pripravičkog staža;
- trajanje godišnjeg odmora za zaposlenike koji rade na poslovima na kojima se uz primjenu mjera zaštite na radu nije moguće zaštititi od štetnih uticaja;
- trajanje plaćenog odsustva u slučajevima koji nisu regulisani Federalnim zakonom;
- postupak dostavljanja kolektivnih ugovora;
- formiranje mirovnog vijeća, njegov sastav, način rada i druga pitanja koja se odnose na rad vijeća;
- nadzor nad primjenom zakona;
- sporazum o osnivanju ekonomsko-socijalnog vijeća i pitanja vezana za rad vijeća;
- kaznene odredbe;
- kao i druga pitanja od značaja za rad i radne odnose u Kantonu koja su Zakonom o radu ("Službene novine Federacije BiH", br. 43/99 i 32/00) (u daljem tekstu: Federalni zakon) utvrđena u nadležnost Kantona.

II - OSPOSOBLJAVANJE ZA RAD

Pripravnici

Član 2.

Ugovor o radu sa pripravnikom poslodavac zaključuje, ako Zakonom nije drugačije određeno, na vrijeme od:

- tri mjeseca za pripravnike sa SSS, odnosno III i IV stepenom stručne spreme, a radi se o manje složenim poslovima za koje se praktična znanja mogu stići u

kraćem roku,

- šest mjeseci do godinu dana za pripravnike sa SSS, odnosno III i IV stepenom stručne spreme, sa VS ili VSS odnosno VI i VII stepenom stručne spreme, a radi se o složenim poslovima koje nije moguće obavljati bez prethodno stečenog praktičnog znanja, što u svakom konkretnom slučaju, ovisno o složenosti poslova, odnosno stepenu odgovornosti koji zahtijeva posao za koji se pripravnik ospozobljava, procjenjuje poslodavac.

Član 3.

Nakon završenog pripravičkog staža pripravnik polaže pripravnički ispit pred Komisijom koju imenuje poslodavac.

Članovi Komisije pred kojom pripravnik polaže pripravnički ispit moraju imati najmanje isti stepen stručne spreme kao pripravnik, a najmanje jedan član komisije mora da bude iste struke.

Član 4.

Poslodavac je dužan da omogući pripravniku da polaže pripravnički ispit u roku od 30 dana po isteku pripravičkog staža, ako ugovorom o radu nije određen duži rok.

Ukoliko ne položi pripravnički ispit u roku iz stava 1. ovog člana, pripravnik ima pravo ponovo polagati pripravnički ispit u roku od tri mjeseca, kod poslodavca sa kojim je u svojstvu pripravnika zaključio ugovor o radu na određeno vrijeme.

Pripravnik koji ne položi pripravnički ispit u smislu prethodnog stava, može u svojstvu pripravnika sa istim ili drugim poslodavcem zaključiti novi ugovor o radu na određeno vrijeme.

Član 5.

Poslodavac koji zapošljava više od 15 zaposlenika Pravilnikom o radu utvrđuje način ospozobljavanja pripravnika za poslove za čije obavljanje pripravnik zaključuje ugovor o radu u smislu ovoga zakona, način i vrijeme polaganja pripravničkog ispita kao i sastav Komisije pred kojom pripravnik polaže stručni ispit.

III - ODMORI I ODSUSTVA

1. Godišnji odmor

Član 6.

Zaposlenik koji najmanje 30% radnog vremena radi na poslovima na kojima se uz primjenu mjera zaštite na radu nije moguće zaštititi od štetnih uticaja ima pravo na godišnji odmor u trajanju od najmanje 30, a najviše do 45 radnih dana.

S L U Ž B E N E N O V I N E

KANTONA SARAJEVO

Broj 19 - Strana 2

Četvrtak, 14. septembra 2000.

Poslovima iz prethodnog stava smatra se rad:

- pod djeljstvom jonizujućih zračenja;
- pod povišenim i smanjenim vazdušnim pritiskom;
- pod zemljom, vodom i u vlazi;
- na visini;
- pod štetnim djeljstvom buke;
- na pokretnim objektima (brodovima, kranovima, splavovima i sl.);
- sa nagrizajućim materijalima;
- u atmosferi zagađenoj otrovnim gasovima, prašinom i parom;
- sa kancerogenim supstancama;
- u drugim zemljama sa teškim klimatskim i drugim uslovima života i rada;
- u specijalnim psihijatrijskim bolnicama i neuropsihijatrijskim klinikama i odjeljenjima;
- u sudsko-medicinskim i patoanatomskim prosekuturama;
- na hirurškim intervencijama u operacionoj sali;
- liječnika i ostalog medicinskog osoblja, veterinarskog osoblja i pomoćnog osoblja zaposlenog u bolnicama, lječilištima, ambulantama i drugim zdravstvenim ustanovama u vezi sa njegom ljudi ili životinja oboljelih od zaraznih bolesti;
- osoblja zdravstveno-medicinskih laboratorija pri radu sa zaraznim materijalom ili životinjama i osoblja pri radu na suzbijanju i znanstvenom istraživanju zaraznih bolesti;
- koji zahtijeva kontakt sa zaraženim životnjama, njihovim mesom, posao sa otpacima zaraženih životinja, utovar, istovar ili prevoz robe koja je zagadena zaraženim otpacima životinja kao i rad sa zaraženim materijalom;
- letačkog osoblja i slično.

2. Plaćeno odsustvo

Član 7.

Pored slučajeva propisanih Federalnim zakonom zaposlenik ima pravo na odsustvo sa rada uz naknadu plaće, do sedam radnih dana u jednoj kalendarskoj godini i u slučaju:

- smrti roditelja supruge odnosno supruga;
- sklapanja braka djeteta;
- selidbe u istom mjestu;
- elementarne nepogode (požar, potres, poplava, snježne lavine, klizišta i sl.);
- polaganja stručnog i drugog ispita.

Član 8.

Izuzetno, u slučaju smrti člana uže porodice ili člana domaćinstva, odnosno roditelja supruge odnosno supruga, zaposlenik ima pravo na više od sedam radnih dana plaćenog odsustva, ukoliko je po osnovu prava iz Federalnog zakona i ovog zakona već iskoristio sedam dana.

IV - KOLEKTIVNI UGOVORI

Član 9.

Kolektivni ugovori zaključeni za područje Kantona dostavljaju se Ministarstvu za rad, socijalnu politiku, raseljenu lice i izbjeglice Kantona (u daljem tekstu: Kantonalno ministarstvo), radi deponovanja.

Postupak dostavljanja kolektivnih ugovora Kantonalnom ministarstvu Pravilnikom propisuje ministar Kantonalnog ministarstva.

V - MIRNO RJEŠAVANJE KOLEKTIVNIH RADNIH SPOROVA

Član 10.

U cilju rješavanja kolektivnih radnih sporova o zaključivanju, primjeni, izmjeni ili dopuni odnosno otkazivanju kolektivnog ugovora ili drugog sličnog spora vezanog za

kolektivni ugovor, ako strane nisu dogovorile način mirnog rješavanja spora imenuje se mirnovno vijeće.

Član 11.

Mirovno vijeće sastoji se od 3 člana i to: predstavnika poslodavaca, sindikata i predstavnika kojeg izaberu strane u sporu sa liste koju utvrđuje ministar Kantonalnog ministarstva, a formira se za period od dvije godine.

Mirovno vijeće donosi pravilo o postupku pred tim vijećem.

Administrativne poslove za mirovno vijeće vrši Kantonalno ministarstvo.

Naknadu troškova za člana mirovnog vijeća sa liste koju utvrđuje ministar Kantonalnog ministarstva snosi Kantonalno ministarstvo.

VI - EKONOMSKO-SOCIJALNO VIJEĆE

Član 12.

U cilju ostvarivanja i uskladivanja ekonomske i socijalne politike, odnosno interesa zaposlenika i poslodavaca, te podsticanja zaključivanja i primjene kolektivnih ugovora i njihovog uskladivanja sa mjerama ekonomske i socijalne politike u Kantonu može se formirati ekonomsko-socijalno vijeće.

Član 13.

Ekonomsko-socijalno vijeće temelji se na trostranoj saradnji Vlade Kantona, sindikata i poslodavaca.

Ekonomsko-socijalno vijeće iz ovog zakona osniva se sporazumom zainteresiranih strana kojim se uređuje sastav i ovlaštenja, te druga pitanja od značaja za rad ovog vijeća.

VII - NADZOR

Član 14.

Nadzor nad primjenom ovog zakona i na osnovu njega donesenih propisa, obavlja kantonalni inspektor rada.

VIII - KAZNENE ODREDBE

Član 15.

Novčanom kaznom od 1.000,00 KM do 7.000,00 KM kaznit će se za prekršaj poslodavac - pravno lice, ako:

1. zaključi ugovor o radu kojim je ugovoren trajanje pripravničkog staža duže od zakonom predviđenog (član 2.);
2. ne omogući pripravniku da nakon isteka pripravničkog staža polaže stručni ispit (član 4.);
3. ne omogući zaposleniku koji radi na poslovima na kojima se uz primjenu mjera zaštite na radu nije moguće zaštiti od štetnih uticaja, da koriste godišnji odmor u skladu sa članom 6. ovog zakona;
4. zaposleniku ne omogući korištenje plaćenog odsustva (čl. 7. i 8.);
5. onemogući ili pokuša onemogućiti kantonalnog inspektora rada u provođenju nadzora (član 14.).

IX - PRELAZNE I ZAVRŠNE ODREDBE

Član 16.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-283/00
14. septembra 2000. godine
Skupština Kantona Sarajevo
Sarajevo
Dženana Zlatar, s. r.

Na osnovu člana 13. stav 1. tačka b. i člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97 i 14/00), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94), člana 35. stav 4. i člana 36. stav 2. Zakona o zdravstvenoj zaštiti ("Službene novine Federacije BiH", broj 29/97), Skupština Kantona Sarajevo, na sjednici održanoj 14. septembra 2000. godine, donijela je

ODLUKU

O OSNIVANJU JAVNE USTANOVE ZAVOD ZA SPORTSKU MEDICINU KANTONA SARAJEVO

Član 1.

Radi obavljanja specifične zdravstvene zaštite sportaša na području Kantona Sarajevo (u daljem tekstu: Kanton), Skupština Kantona Sarajevo, osniva Javnu ustanovu Zavod za sportsku medicinu Kantona Sarajevo.

Član 2.

Javna ustanova posluje pod nazivom Javna ustanova "Zavod za sportsku medicinu Kantona Sarajevo" (u daljem tekstu: Zavod), u državnoj svojini.

Sjedište Zavoda je u Sarajevu, ulica Patriotske lige broj 36.

Član 3.

Zavod ima svojstvo pravnog lica.

Član 4.

Djelatnost Zavoda je:

- planiranje, predlaganje i provođenje mjera za očuvanje i unapređenje zdravlja sportaša i učesnika u sportskoj rekreaciji,
- provođenje preventivne zdravstvene zaštite svih registriranih sportaša kroz kontrolne, periodične i sistematske specijalističke ljekarske preglede,
- specijalistička kurativna zaštita, liječenje i rehabilitacija oboljelih i povrijedjenih sportaša,
- izrada i predlaganje doktrine, standarda i metoda rada u zdravstvenom odabiru i praćenju zdravstvenog stanja sportaša po pojedinim sportskim granama na području Kantona Sarajevo,
- vodenje registra specifičnih oboljenja i povreda u sportu,
- vršenje naučno-istraživačkog rada iz oblasti sportske medicine,
- educiranje medicinskih kadrova iz sportske medicine,
- ocjenjivanje stanja zdravlja i davanje salasnosti za aktivno bavljenje sportom i sportskom rekreacijom,
- praćenje vrhunskih dostignuća sportaša kroz specifična testiranja i učestvovanje u pripremanju sportaša za velika sportska takmičenja (svjetska prvenstva, olimpijske i mediteranske igre),
- saradnja sa zdravstvenim ustanovama svih nivoa zdravstvene zaštite,
- međusobno stručno i funkcionalno povezivanje i uskladljivanje primjene jedinstvene metodologije rada,
- stručni nadzor svih sportsko-medicinskih institucija koje provode specifičnu zdravstvenu zaštitu sportaša na području Kantona.

U skladu sa Odlukom o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", br. 28/98, 36/98 i 47/98), djelatnost obuhvata slijedeće razrede:

- 85.1 - zdravstvena zaštita ljudi,
- 85.12 - djelatnost medicinske prakse,
- 85.121 - djelatnost medicinske prakse.

Član 5.

Zavod ne može promijeniti djelatnost iz člana 4. ove odluke, bez saglasnosti osnivača.

Član 6.

Danom stupanja na snagu ove odluke, Zavod preuzima opremu na korištenje, uposlenike, prava i obaveze Radne organizacije Zavod za sportsku medicinu, p. o. Sarajevo.

Oprema iz stava 1. ovog člana su svojina osnivača.

Član 7.

Sredstva za rad Zavod ostvaruje:

1. ugovorom sa Kantonalnim zavodom zdravstvenog osigu-

ranja,

2. ugovorom po osnovu dobrovoljnog osiguranja,
3. iz sredstava osnivača u skladu sa aktom o osnivanju,
4. iz učešća korisnika zdravstvene zaštite u pokriću dijela ili ukupnih troškova zdravstvene zaštite,
5. putem ugovorenih obaveza o pružanju programa mjera specifične zdravstvene zaštite sportaša sa sportskim organizacijama i drugim pravnim licima,
6. iz drugih izvora na način i pod uvjetima određenim zakonom, aktom o osnivanju i statutom Zavoda.

Član 8.

Višak prihoda nad rashodima Zavod koristi za obnavljanje i razvoj djelatnosti.

Član 9.

Za svoje obaveze Zavod odgovara svom svojom imovinom - potpuna odgovornost.

Osnivač Zavoda je supsidijarno odgovoran za obaveze Zavoda.

Član 10.

Ukoliko Zavod u svom poslovanju iskaže gubitak, direktor je dužan osnivaču podnijeti izvještaj o uzrocima iskazanog gubitka sa prijedlogom mjera za otklanjanje istog.

Iskazani gubitak Zavod pokriva iz vlastitog kapitala.

Član 11.

Prava i obaveze između osnivača i Zavoda, koja nisu regulisana ovom odlukom uredit će se posebnim ugovorom.

Član 12.

Statut Zavoda podliježe obaveznoj saglasnosti osnivača.

Ministarstvo zdravstva daje saglasnost na planove rada i razvoja i godišnji program.

Član 13.

Organ upravljanja u Zavodu je Upravni odbor.

Upravni odbor ima pet članova i čine ga predstavnici:

- osnivač - tri člana,
- zdravstvenih radnika Zavoda - jedan član,
- kantonalnog ministarstva zdravstva - jedan član.

Predsjednika i članove Upravnog odbora Zavoda, imenuje i razrješava Vlada Kantona, na prijedlog kantonalnog ministra zdravstva.

Član 14.

Organ rukovodenja u Zavodu je direktor.

Direktora Zavoda imenuje i razrješava Upravni odbor, na osnovu javnog konkursa, uz saglasnost Vlade Kantona.

Direktor Zavoda ne može biti član Upravnog odbora.

Za direktora Zavoda, imenuje se lice, sa visokim obrazovanjem zdravstvenog usmjerjenja, koje u pravilu ima i odgovarajuću specijalizaciju iz djelatnosti Zavoda.

Dosadašnji direktor predstavljat će i zastupati Zavod do imenovanja organa rukovodenja Zavoda.

Član 15.

Organ kontrole poslovanja u Zavodu je Nadzorni odbor, od tri člana. Predsjednika i članove Nadzornog odbora imenuje i razrješava Vlada Kantona.

Najmanje jedan član Nadzornog odbora imenuje se iz reda stručnih radnika zaposlenih u Zavodu.

Član 16.

Stručno vijeće Zavoda je savjetodavni organ direktora. Stručno vijeće imenuje direktor i sačinjavaju ga najmanje šefovi organizacionih jedinica Zavoda. U radu stručnog vijeća, mogu učestvovati i zdravstveni saradnici.

Član 17.

Zaposlenici Zavoda ostvaruju svoja prava u skladu sa zakonom, Statutom Zavoda i kolektivnim ugovorom.

Član 18.

S L U Ž B E N E N O V I N E
KANTONA SARAJEVO

Broj 19 - Strana 4

Četvrtak, 14. septembra 2000.

Upravni odbor Zavoda će u roku od 60 dana, od dana stupanja na snagu ove odluke, donijeti Statut Zavoda, akt o sistematizaciji radnih mjeseta i druge opće akte.

Član 19.

Vlada Kantona Sarajevo imenovat će Upravni odbor Zavoda u roku od 30 dana od dana stupanja na snagu ove odluke.

Član 20.

Nadzor nad zakonitošću rada Zavoda vrši Ministarstvo zdravstva Kantona.

Član 21.

Stupanjem na snagu ove odluke, prestaje primjena Rješenja Zavoda za fizičku kulturu Socijalističke Republike Bosne i Hercegovine broj 173 od 26. 06. 1967. godine.

Član 22.

Stupanjem na snagu ove odluke, Radna organizacija Zavod za sportsku medicinu p. o. Sarajevo, prestaje sa radom i bit će izvršeno njenosudsko brisanje iz sudskeg registra.

Član 23.

Zavod je obavezan da, na osnovu ove odluke, podnese prijavu radi upisa u sudske registre.

Član 24.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-289-1/00
14. septembra 2000. godine
Sarajevo

Predsjedavajući
Skupštine Kantona Sarajevo
Dženana Zlatar, s. r.

Na osnovu člana 18. stav 1. tačka b. Ustava Kantona Sarajevo ("Službenе novине Kantона Sarajevo", br. 1/96, 2/96, 3/96, 16/97 i 14/00) člana 57. Zakona o zdravstvenoj zaštiti ("Službenе novине Federacije BiH", broj 29/97), člana 10. Odluke o osnivanju Zavoda za javno zdravstvo Kantona Sarajevo ("Službenе novине Kantона Sarajevo", broj 4/99) i člana 107. Poslovni Skupštine Kantona Sarajevo ("Službenе novине Kantона Sarajevo", broj 6/00 - prečišćen tekst), Skupština Kantona Sarajevo, na sjednici održanoj 14. septembra 2000. godine, donijela je

ODLUKU

O DAVANJU SAGLASNOSTI NA STATUT ZAVODA ZA JAVNO ZDRAVSTVO KANTONA SARAJEVO

I

Daje se saglasnost na Statut Zavoda za javno zdravstvo Kantona Sarajevo.

II

Ovu odluku objaviti u "Službenim novinama Kantona Sarajevo".

Broj 01-37-286/00
14. septembra 2000. godine
Sarajevo

Predsjedavajući
Skupštine Kantona Sarajevo
Dženana Zlatar, s. r.

Na osnovu člana 18. stav 1. tačka b. Ustava Kantona Sarajevo ("Službenе novине Kantона Sarajevo", br. 1/96, 2/96, 3/96, 16/97 i 14/00) i člana 154. Zakona o prostornom uređenju ("Službenе novине Kantона Sarajevo", br. 13/99 i 19/99), Skupština Kantona Sarajevo, na sjednici održanoj 14. septembra 2000. godine, donijela je

ODLUKU

O PROVOĐENJU REGULACIONOG PLANA SPORTSKO-REKREACIONOG CENTRA „PAŠINO BRDO-STRELIŠTE”

Član 1.

Usvaja se Regulacioni plan sportsko-rekreativnog centra "Pašino brdo-Strelište" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- projekciju izgradnje i uređenja prostorne cjeline sa mjerama i aktivnostima za provođenje regulacionog plana,
- odluku o provođenju plana.

Grafički dio sadrži:

- urbanizam prezentiran na odgovarajućem broju tematskih karata,
- idejna rješenja saobraćaja, komunalne i energetske infrastrukture,
- idejno rješenje hortikulture.

Član 3.

Po jedan primjerak ovjerenog Plana nalazi se na stalnom javnom uvidu i čuva u službama dokumentacije Općine Stari grad Sarajevo, Općine Centar Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Ovom odlukom uređuju se uvjeti korišćenja, izgradnje, uređenja i zaštite prostora i način provođenja Regulacionog plana sportsko-rekreativnog centra "Pašino brdo-Strelište" (u daljem tekstu: Plan), a naročito: granice prostorne cjeline i granice površina raznih namjena, urbanističko-tehnički uvjeti za izgradnju građevina, uvjeti za korišćenje javnih površina, uređenje građevinskog zemljišta, korišćenje zemljišta na zaštitnim infrastrukturnim pojasevima i zaštićenim područjima, uređivanje fasada, postavljanje ograda, uređenje zelenih i slobodnih površina, odnosi prema postojećim objektima kao i djelatnosti i uvjeti pod kojima se pojedine djelatnosti mogu obavljati u planiranim poslovnim i proizvodnim prostorima.

Član 2.

Plan obuhvata područje površine 12,3 ha.

Granica počinje od tačke 2 koja se nalazi na granici K.O. Vasin Han i K. O. Sarajevo V (odnosno na medju parcela k. č. 1827 i k. č. 2415 - ulica Sedrenik) sa koordinatama y = 6.536.044 m x = 4.858.992 m odakle dalje nastavlja ići u pravcu sjeveroistočno ka u dužini od cca 320 m sijekući pravolinjski parcele k. č. 1827 i 1828 te dolazi u tačku 3 na parceli k. č. 1828 sa koordinatama y = 6.536.155 m x = 4.859.290 m odakle dalje ide u pravcu istoka pravolinjski u dužini od cca 114 m te dolazi u tačku 4 na parceli k. č. 1828 sa koordinatama y = 6.536.269 m x = 4.859.291 m te skreće u pravcu jugoistoka idući pravolinjski u dužini od cca 70 m te dolazi u tromeđu parcela k. č. 1685, k. č. 1688 i k. č. 1687 K. O. Vasin Han te dalje nastavlja ići u pravcu